

喙

鳴

詩

集

喙鳴詩集目錄卷九

五言律詩

驄馬

剡溪

大隱

七夕逢王大別

入招隱

送留都周考功入計

過雙莊

野坐

候濤山作

醉過禪院

送屠田叔還閩運司

若士

苦雨二首

秋雷

贈張公魯

木假山

臘月立春

七夕二首

東山

北園假山

送吳伯恒方伯

龍使君奉佛棄官詩以訊之

過李中甫看雲池憶賓甫二首

長文讀書山中

月湖秋泛

觀傀儡

早至白露節農無望

夜聞簷溜

襲上人問疾賦答三首

送僧

哭楊伯翼二首

泛舟蘆頭堰

雨後

第十嫂

贈陳魯季

行藥

送汪主簿孟陽歸歙

驛邸不寐二首

悼內五首

辟兵符

玉峰道人

孝安皇后輓章十首

早朝

秋月

夢泛芙蓉江

趨直

休還示僧廣

送張學博致仕

送魏明府蓋卿復任鄞縣

齋前石

自哂

柳眉

休沐

望月感賦

本寧談蜀中用兵後和二首

香山公主輓歌三首

過雨池上

曲几

眼花

聾

憶讀書處

李本寧以諸葛武侯祠下詩見示賦和二首  
張輝甫給事病篤其女纔十三割股飲之給  
事復生一日卒余悲而贈

客槎

中秋夜夏鎮舟中見月食

東歸同年沈思質蔣中悅高子和沈時抑年  
姪沈太玄飲余西湖

慧上人方丈

祖闢久圮僧傳慧負土成築余賦二律

國清寺贈無盡禪師

徐孺子

游仙三首

喙鳴詩集目錄卷九

喙鳴詩集卷九

四明 沈一貫肩吾 著

五言律詩

曾 孫光燕子翼重校

驄馬

驄馬四蹄驕乘風氣象高  
金鞭流暎電玉鐙響春  
濤縮地無無汗行天別  
有毛歸來林日晚群壁綴  
征袍

剡溪

寂歷羅雲嶠參差亂水湄  
扁舟成獨往樵子問誰



期松下排菱角蘆中雪藕絲還如武陵日悵望桃  
花迷

大隱

大隱著山樊昔賢風韻存樹根盤石出鳥語苔人  
溫澗飲連群鹿藤飛狎子猿無勞同謝客鑿石下  
江門

七夕逢王大別

投轄雙星夜停杯一  
心露微花氣重月冷竹光  
深携手低河曲長謠  
歎嶽陰若為御靈翮猶作斷

行禽

入招隱

舊隱人何在  
余今賦反招山  
深寒乳虎松老凍  
飛鵬谷響如酬問  
童來或應謠自然成  
擊壤何以欲  
逃堯

送留都周考功入計

南選庭除肅風雲  
舊王盟及瓜還自  
考持鑑與人  
評蘭氣原相似  
冰心又獨清  
諸郎相遲久  
到日下  
階迎

過雙莊

行役見斜陽山川非故鄉  
半天容數鴈一騎過雙  
莊水去空冰白沙來積雪黃  
問余何所挾四海一奚囊

野坐

綠水行舟處青山命酒時  
片雲能載日落葉自題  
詩山賈朝携婦溪漁夜就師  
薄言心賞洽數誤野  
人期

候濤山作

目竟白雲橫馬知積水情鳥衝秋霧香魚跳晚霞  
明忽嘯低為澤俄飛起作城有帆來自遠風雨不  
言驚

醉過禪院

不意尋中聖猶能謁上人酥明香積院花轉法王  
輪恕醉應容我逃禪已外身遠公相送處流水淨  
粼粼

送屠田叔還閩運司

又送鹽官去南過閩海雲馬蹄上冰纏鳧影及郊

分候館踈寒柝行厨小暮暈惟應幔亭月遲爾白  
紛紛

若士

何來稱若士汎汎起清風詩卷留西派禪心近北  
宗花明丹似女松老鬣如翁前日天台去辛勤折  
數節

苦雨二首

非旱即為潦皇天應棄民鴻高千里霧魚老一江  
頻料得田多耳能令巷有人窺門猶未霽何日可

回春

嘉穀報成西愁霖爛作泥山椒鳧影合木末荇花  
齊江暗頻驕鱷林昏屢悞鷄菜根三尺水蕪已沒  
黃蘗

秋雷

秋思滿江城單衣習習輕淋蛩吟欲入梁燕語將  
行水閣逢雷墮湘簾失雨驚誰知天地大也媿蓍  
收名

贈張公魯

槎湖饒秀色之子亦瓊琚慣以他山石來攻屈玉  
書裁雲過禹委翦薙到秦餘堪笑  
王烈空游碧落居

木假山

適共採樵還因移谷口山收雲截草性借雨點苔  
班枯槁禪心寂槎牙寺影閒醉醒携枕簟累日竟  
躋攀

臘月立春

京兆土牛來春風拂滿臺非無餘列在自覺笠人顏

開村旆皆題栢途歌並舉梅楸盤仍拜賜先頌萬  
年杯

七夕二首

令節牛郎渚佳期燕子樓桂香飄下界桃葉駐中  
流露濕仙裾重風清越苧愁携卿五湖去百事不  
須憂

天上河方淺人間露未寒金針聚織手山果落雕  
盤私語蛩吟草微酣燕蹴蘭白榆都落盡昂首見  
歸寒



東山

曲水曾游處微風適意時綠陰藏睡鴨新燕觸荇  
絲谷口春方晝閒心樂自知謝公墩尚在吟眺得  
吾師

北園假山

聊將獨往意寄與一拳中無事造可悅遠心殊不  
同陳根支石險寸鮪破池空徙倚石欄暮輕裾  
細風

送吳伯恒方伯

卑濕南方地，遲留北使天。  
民歌來日暮，帝與好春  
偏華轂，誰能卧飛檣。  
忽已仙甘棠，清蔭在流潤。  
滿山川。

龍使君奉佛棄官詩以訊之

本是楚狂人，來觀東海塵。  
移書漢主吏，願作梵王  
臣。為道長，操賤談清已。  
任貧吾知裴相後，惟爾最  
當仁。

過李中甫看雲池憶賓甫二首

鑿地得青雲，因風漾彩文。  
何能眠白晝，終日泣離

群踈雨當空落飛花入夜分樓頭鴻雁影嘹唳不  
堪聞

登君池上樓哀思何颼颼人與流波逝雲依落月  
留墜梧歸鳥夕宿草亂螢秋相對三荆樹燈花催  
白頭

長文讀書山中

陟爾讀書臺虛窓四面開舉觴欣道在展卷有朋  
來鵲踏新磚淨鴻窺舊壑哀悠然成太古不減到  
蓬萊

月湖秋泛

秋入涵虛館天間衆樂亭湖含七橋月人聚一船  
星此地祠狂客吾今老洞庭獨憐雙鬢白點破數  
山青

觀傀儡

僊師情思巧即席起春風寫恨來眉上移歌入口  
中彩雲秋窈窕白雪夜空濛只恐君王怒無能待  
曲終

早至白露節農無望

白露今逢序諸壇合羅祠雨來無所用天意已堪  
知米價方朝湧偷兒或夜窺更愁州主計何以給  
軍資

夜聞簷溜

自憐雙耳內久失此泉聲枕上今宵得齋中一夜  
清夢魂輕欲舞咲語遠相迎急喚兒曹起新詩不  
索成

襲上人問疾賦答三首

吾心如宇宙茹納萬靈多浩有天知我終無世作

渡玉山飛列缺銀海散曼陀那見真空性猶勞佛  
祖訶

生死無真力呻吟有鬼嗤八風吹枕簟二月照房  
幃似水終東逝如輪莫返馳魔王良愛我終日儼  
威儀

大患從身起無身病亦無維摩從病入令我致文  
殊白骨新成觀黃金久鑄軀陰陽原不沴造化偶  
拘拘

送僧

古寺倚南淙，流雲挂寶幢。將游天地外，安得世人  
雙飛錫。橫千嶂，乘杯逆九江。何方堪極目，落日隱  
西窓。

哭楊伯翼二首

世人無達識，此道只論聲。獨好君家事，堪高我輩  
名。江雲猶駐白湖水，若舍清今日。脩園樹交交，聞  
幾鶯。

脩園伯翼讀駭處

道異龍分席，心同虎負荆。楊生喜任俠，末路彌縱  
橫。死後詩當貴，生時世莫名。憐才自吾意，天地亦

何情

泛舟蘆頭堰

此日吾仍健諸君一小舟清風天上去落日鏡中  
留草色承裾綠荷香入座幽飛鳧散江白歸興滿  
蘆頭

雨後

一雨到汀洲千江水亂流林端飛好鳥舍北止鳴  
鳩紈扇勞初定絺衫汗欲收誰能翳清景直接桂  
花秋



第十嫂

賢哉老貞嫂雅操比黃金萬死憑遺腹孤生衛此  
心長貧歡未得垂老病相侵借問庭前羽何年振  
好音

贈陳魯季

吾觀陳魯季老興益清狂采藥天萬里洞人垣一  
方藤花迷小徑菰葉擁寒塘築室江臯上累累橘  
子黃

行藥

不識歡為伯惟知藥有君  
虛窓窺落日踈竹度添  
雲塢樹深藏影池波淺  
縐紋砌蛩亦何意相對語  
紛紛

送汪主簿孟陽歸歛

相逢皆歎息信汝實清貧  
海內持公論當今有幾  
人寒江澄似月冬日煖于春  
父老空悲泣難回西  
去輪

驛邸不寐二首

村落不知更終宵亂鼓聲  
荒厨無鼠入遠樹有鷄

鳴鼙睡嗟僮僕歡言隔友生此時正愁絕窓月下  
縱橫

夢覺他鄉館寒更何太遲自憐多病骨正及未晨  
時宿水龍蛇入荒郊父子離燕雖不得老泛泛欲  
何之

悼內五首

弱冠初占鳳著中得盞簪悲君玄髮在莫慰白頭  
心素魄雖難駐貞魂豈易沉只疑明月下環珮  
來音

約爾共飛霞胡為早問槎故衣分御事餘藥施醫  
家內政當誰寄孤生祇自嗟開緘不忍視偕老

筭玠

直諒真吾友鴻持半此生鹿車雙輓意樛木四垂  
情綃底空留照旌前遂著名朝看亾寶鏡舉眼若  
為明

物物到春歡空閨獨怯寒兒啼欲無夜老鼻無休  
酸語或仍呼舊聞如尚報安南來書札裏猶說五

辛盤

明言集 卷九  
十一  
莫測臨危意相持但目成曾無一語別豈復有餘  
情佛性終殊俗天游自不生潛惡鼓盆事猶庶緩  
沾纓

辟兵符

繡縷數行斜迴環疊絳紗佳名祛國厲巧製出仙  
家繫臂薰風軟懸門白日賒年年蒲酒綠笑倚石  
榴花

玉峰道人

我愛邯鄲士車窮斗水寬一身更無赤九死遂成

丹桂夜青鸞舉花時赤鳳博遂看孤往易不見背  
飛難

孝安皇后輓章十首

聖善齊皇體劬勞翼帝躬補天從外郎扶日自儲  
宮樛木垂恩大芳蘭吐秀雄忽聞仙馭杳朔吹起  
丹楓

先帝登遐早 今皇甫幼冲丁寧付神器哀痛抱  
遺弓大練先諸夏重幃靜六宮峻功貽社稷明德  
滿寰中

懿訓留長在群心慟莫依苑花零雨歇宮鳥片雲  
歸內殿終三爵中人化六衣徽音門外草百辟悵  
春暉

翠鳳春方永銅龍曉正舒如何白衣會雜沓絳霄  
居太史編哀此祠官上冊書 聖情須稍抑鴻號

滿璠璣

北道行麾動東朝法駕空黼筵移白日緺駟指玄  
宮零落公桑雨蕭條御柳風時無青鳥翼啟處若

為通

諱書乘六傳一日到天

玉輦辭黃屋瑤池集紫

霞萬方皆喪妣四海

冢惟有同歸處今朝撤

絳紗

昔在長秋日飄飆御白雲

居喧常好竅在世已離

氛星泐飛嚴銜天衢閱

又真游藐姑射冰雪晝

紛紛

禁事無人識惟應老監知  
逸巡辭輦日隱約授經

時漢后光前史周南蔽古  
詩濯龍門外水一日不

曾馳



六年襄內治三紀佐中興  
天上樓新就宮中樂遂  
崩清秋開大隧蒸氣鬱昭陵  
池綽行當閉居廬痛  
不勝

終天辭鳳閣何日問  
祖饋當晨膳虞廷代夕  
羞風高陵樹老月迫嶂  
愁惟有春秋薦時朝四

姓侯

早朝

星耀周廬雷火奔

禹方恭土貢九品肅天

球舊拜續侍新封承

侯龍葱雲起處知是六

龍游

秋月

秋月淨寒川明珠出海縣  
鵲群鷺穩坐龍女妬安  
眠淡寫山河影低籠草樹  
烟只疑今夜得遠古更  
無天

夢泛芙蓉江

細雨滑香泥江心燕子齊  
酒樓方遠近漁艇忽高  
低帆落桃花渡書來棟樹  
溪夢回窓月小何處五  
更鷄

趨直

戒旦肅嚴趨明星  
傍瑣闥御街馴象下  
寢廟宿鳥飛  
歛霧金吾火銷霜  
衛士衣兩朝通籍在  
徒感鬢毛非

休還示僧廣

余寓邸在長安門西出入常望日偶成此詠

入奉常迎日休還又向陽  
俯憐寸心赤時寄五雲  
傍照我頭顱白明於佛頂光  
終夜懸鼓象一夜到西方

送張學博致仕

驥老心猶壯麟來道忽窮春風朝捲帳夜月早隨  
弓踈葉寒山外殘花落照中挂帆從此去流水不  
須東

送魏明府蓋卿復任鄞縣

黃絹舊才名青箱新政聲緇衣吾雅好美錦爾裁  
成縣裏花枝笑門前柳樹迎獨憐留滯者不及小  
兒情

齋前石

片石齋前立能縈水木清坐來雙得意老去一何

情蝶午銷殘夢鴻秋度遠聲虛言大隱在終愧小  
山名

自哂

計余浮浪日已可數車萍轉徙何時定酩酊亦暫  
醒鶴翎天外白鸞影月中青不識昭回意惟看處  
士星

時望冠婚冊  
泣不得故云

柳眉

每覩東園柳長懷西子眉黛從山遠抹曲向月初  
規暮雨凝粧挹春風掩袖吹嬌深自多恨寧獨為

春遲

休沐

休沐還開鏡何時密布霜歌成吳夜短愁入楚雲  
長向日三花笑迎風一葉黃無心誦蓂楚取醉唾  
壺傍

望月感賦

碧落太寥廓素輝何自孤人間信烏有天上豈其  
無鳥逝深雲壑花開肅霧樞俄教丹鳳闕一夜數  
驚鳥

本寧談蜀中用兵後和二首

夔子當年國明妃，此夕村溫泉通海窟石。壁鎮江門野哭知誰氏，年饑守故原啼鳥聲未歇。猶和斷腸猿。

西望岷為雪，南窺楚作雲。酩奴堪自老，葆旅不成群。叢淺蚕休織，田汙鳥罷耘。山川厭腥氣，流水濯巴文。

香山公主輓歌三首

人世終難盡，天孫倍可憐。金錢方浴水，玉匣已歸。

泉榭殿悲蘭茁瓊臺想鳳旋宸旒心未釋淚顆續  
珠圓

薤露天邊冷蘭風野外孤星宵俄隕婺海暮忽沉  
珠弄月空秦嶠行雲隔楚巫六宮皆掩黛一夜有  
啼鳥

拾翠投丹壑鳴簫就紫雲將無青鳥使邀入羽衣  
群桂子徽初結梅花鈿未分天家憐愛主零露曉  
氤氳

過雨池上



過雨訊花叢芬芳曲沼通酒杯翻注日人影倒行  
空藥徑流餘澤蘅臯激惠風蟬聲數枝意流恨轉  
無窮

曲八

曲八迎新月扁舟轉信風物游司馬外交在市屠  
中就飯胡麻白行吟桂子紅如何竹枝意惟有大  
江東

眼花

老至眼花新惟應入咏  
似飛濤遮鷺夕落絮舞鷗

未嘗止連為幄霞開散作隣小齋堪自得休與世  
人論

聾

世事安可料惟須付一聾時時修觀法默默與天  
通蟻鬪蒲團寂泉流漆八空任他黃葉墮已覩五  
更風

憶讀書處

空閣誰同坐故山應望予玄猿自來徃白鳥忽軒  
渠樵斧遙相答鴻聲一寄書長年詠歌處水竹間

幽居

李本寧以諸葛武侯祠下詩見示賦和二首  
蜀故似公竒天威絕域知已無興漢蹟猶說渡瀘  
師軍樂喧銅鼓蠻犛寨石碑居人齊下拜雲際晃  
靈旗

恨君魚水晚空老卧部年梁甫歌三士南陽高一  
廬代移桑有主祠古柏無烟何事江心石風雷阻  
客舫

張輝甫給事病篤其女纔十三剖股飲之給

事復生二日卒余悲而贈

平生忠孝淚老至為君垂寶月正秋缺金風終夜  
悲流暉安可駐填海竟何為他日西江上誰題少  
女碑

客槎

為懷黃石契將返赤松家不謂嬰天網還滋滯客  
槎草長湖水軟花密嶺雲斜猿鶴遙相怨東風又  
歲華

中秋夜夏鎮舟中見月食

寶奩宜倍朗玄錫尚新磨近耳蠅皆聒當空鳥亂  
過岼香聞白芷村酒待青莎幸避懸流沫微風不  
起波

豈謂中秋夕翻稱小晦天應緣桂寢密暫遣斗珠  
懸獨舫移鍾漏高樓動管絃天心故應爾漁火伴  
安眠

東歸同年沈思質蔣中悅高子和沈時抑年

姪沈太玄飲余西湖

山水足吾留歸雲且暫游蕭然楊柳暮繁若芙蓉

秋白髮中山酒玄言公子鈞此時揮手別往事夢  
中收

慧上人方丈

定水無時落心花偶自開不煩遠公約竟渡虎溪  
來坐久絕林氣談窮登妙臺鳥啼能宛轉雲盡復  
徘徊

祖闕久圯僧傳慧負土成築余賦二律

老宿何年去娑羅此再興信知慈氏力不少法王  
乘入室密無語看林飛有憑邦人齊下淚雙樹界

金繩

金骨終無毀青山復舊觀大珠流日月馴鴿護旃  
檀林向千花曙天依七寶寒誰其龍象子今日識  
阿難

國清寺贈無盡禪師

就汝一加食胡麻且任攤玄猿瞑心易白鳥息言  
難凍解霜崖險春回雪渚寒寒山旣開化非得少  
豐干

徐孺子

無羅淵心別有為黃花既感激大鳥亦離  
務真吾任瞻烏當語誰不知詮諷者尚以世

游仙三首

百賢欣祀石吾亦願祠茅生計清齋足朋從素影  
交月明魚在沼風靜鶴歸巢未就嚴遵卜先占許  
邁文

為訪中林士來游小有天三雲紛浦樹片月載江  
紅琅菜秋仍熟瓊芝夜正鮮斯人如可即吹竹共



青烟

鵠立通靈島鸞迴入漢臺  
斑麟承母坐青鳥捧環  
來說法低三髻觀心洞  
五胎如何茂陵下松栢使  
人哀

累

詩集卷九終

喙鳴詩集目錄卷十

五言排律

恭謁孝陵

登北固山

遊招隱寺

登金山寺

中秋雨霽

御河水泮

賜扇

送王仲房

初冬郊外

秋思

送洪山人之江南赴張中丞

送張大赴邵武尹

送韓存良使朝鮮告登極

送屠田叔歸養

雪後無聊適陸無從寄新詩至却寄

寄題座主憲副黃公西湖精舍

入溪隱

嘲宦遊者

頌烈女詩

偶然作

自述寄同年友

少保馬公挽歌

恭題

御軸玄兔

徐丈人

集屠田叔求古齋

午睡

之子贈奉川張山人恒

寄贈王忠伯雲中  
寄贈巴縣楊封君

旱甚

羽苞十二韻

題漢宮傳蠟圖

觀雲漢

苦熱

喙鳴詩集目錄卷十

喙鳴詩集卷十

四明 沈一貫肩吾 著

五言排律

曾 孫光燕子翼重校

恭謁孝陵

道邁齊開闢勲諧役化工經綸雖草昧噓拂到春  
風黃屋堯非志青革漢起功規摹途轍外指顧屋  
瓴中駕馭皆諸傑干戈竟一戎事經冠帶始氣攝  
蓋輿窮制作周纖慮哀矜徹細恫蒼龍無榻穩白  
虎有儒通寧獨殷求瘼常懷密檢躬甚真宜萬彙

至健配皇穹天縱非凡聖時幾不息庸直令千載  
後罔越一夫雄松柏森鍾阜衣冠儼故豐百僚肅  
將御凜爾奉遺弓

登北固山

信步歷丘樊林深太古存綠蘿彌廣澗嘉木被長  
原岡仄纔通馬枝危欲墮猿錫飛空大士金布尚  
餘園海氣春蒸殿潮聲夜入門臨風忽流睇高鳥  
思同翻

遊招隱寺

舊隱無留迹誰能為汝招旃檀留古寺松檜記南  
朝峰翠猶疑滴園金悉暗銷澗深晴貯雨谷靜晝  
聞潮飲鹿連群下流鶯逐隊調酒堪秋露釀薪有  
暮山樵香霧饒雙袖明時穩一飄杖藜唱歌入穎  
水荷唐堯

登金山寺

寶界疑三島瑠臺絕四鄉江心懸法鏡渡口出慈  
航塔鎮龍王藏龕依鴈子堂濺濤銷畫彩隱岫濕  
爐香夜榜投僧火春帆引佛光已聞潮是梵寧指

蜃為梁，呪食靈龜。喜齋心老檜，涼望來炎暑。薄歌  
罷海天蒼，素愛中泠水。兼依大法王，誓當滌塵袂。  
高卧片雲長。

中秋雨霽

秋景在今宵，中天正泐寥。微絲收海際，積翠滿山  
椒。珠斗含新潤，銀河露遠橋。桂花欣有約，仙子坐  
相邀。飛鏡雙眸豁，持杯百慮消。還聞水晶箔，終夜

珮聲飄

御河水泮



鳳沼晴光麗  
蛟冰煖氣融  
玻璃千片簇  
玉鑑一奩空  
魚喜金鱗縱  
虹看白練通  
氣蒸宮殿日  
響雜珮環  
風流葉波初  
動乘槎路不窮  
共欣春令早  
詎假鑿冲冲

賜扇

雉尾香雲合  
螭頭瑞日圓  
大臚傳魏闕  
中監捧齊紈  
竹節含新潤  
冰絲沁舊寒  
清風生腋底  
素月下雲端  
誰復憂中熱  
方茲覩合歡  
奉揚彌萬里  
早已遍長安

送王仲房

鬻枝滿長安斯人獨鶻冠如雲任舒卷信馬一盤桓  
狗肆偏經慣漿家欲認難飯牛羞甯戚彈鋏笑  
馮驩五嶽誠為隘三山未即寬留君恨無術九萬  
快風翰

初冬郊外

日出千山紫雲寒九野空悲哉秋氣肅去矣客途  
窮歡友懷芳草家林隔轉蓬登高聊假日頽歎欲  
凌風羈東人何甚優伊道不同年衰三十外事往

四愁中不分時光駛  
惟資酒力雄  
永懷何所愧  
漢曲棄機翁

秋思

菲薄參朝列  
蕭條閱令時  
馬寒嘶北隴  
蟬暮怨南枝  
思遠湘君曲  
獨醒漁父辭  
涼颺披畹蕙  
零雨濯江籬  
紫闥微崇議  
青山爽故期  
非甘胡近竭  
為蹇遂前疲  
延望紛孤慮  
言旋悔可追  
魚情歡縱壑  
升斗亦徒為

送洪山人之江南赴張中丞

日暮流澌斷天荒古驛斜長愁紅葉盡緬望白雲  
賒匹馬燕王館深杯劇孟家風期乘白鴈肝膽照  
青蛇漸入江南境行逢歲序華春容浮綠雨海色  
捲朱霞熊軾今停市鷄壇昔誓車棊殘香燼鴨賦  
就墨飛鴉獨有深閨裏怨啼無限嗟

送張大赴邵武尹

魏國賢公子高陽舊酒徒掉頭遊大壑矯翮隘中  
都龍劍終危倚牛刀亦斲屠華旌紛戒道墨綬始  
嬰軀閩粵開東國山川結奧區市藏山海藥邑訟

石田租雉唯看仁治棠陰見政符明朝鄉縣隔尺  
素可能無

送韓存良使朝鮮告登極

天序開皇極星陳命使軺梯航彌禹服禮樂拜唐  
堯龍節通夷道犀燈度海潮絲綸臨屬國忭舞視  
卑寮冠帶猶三正聲名尚八條舊封箕子廟沃壤  
漢城橋王事山川迥儒臣雨露饒須令尊俎上蹈  
躋畏中朝

送屠田叔歸養

物情矜矜眄吾黨貴沉淪世上名何物人間我最  
親豈無三尺組不繫一間身園列分花藥郊居狎  
羽鱗綵衣翩暎晝野服短宜春甚善雲中壑難期  
慕下塵我今嬰世網命也繫庖人怯灑臨岐淚方  
期養谷神

雪後無聊適陸無從寄新詩至却寄

獨坐玄冬暮無如白髮莖明河翻浪淺積雪翳林  
清窮巷明寒玉枯枝散落英愁鴟非故色悲鴈每  
新聲病葉饑鶻厭單枝亂雀爭促衿嗟日緩博帶

豈時名梅信來何暮瑤華採不盈先春桂枝意永  
夜故人情郢曲歌逾獨巴人聽自驚北風高衛什  
西氣激秦箏人想焦山卧舟思剡曲行慙君廣陵  
樹流涕忽沾纓

寄題座主憲副黃公西湖精舍

公名塏四川富順人

懸車當井絡疏館枕湖潯石鏡朝開霽雲門暮掩  
陰峨眉同月到烏道與霞臨巖瀑全留几行雲半  
去林釀寒梧雨合滌暑蓼風侵波滑歡魚性泉甘  
暢鹿心蓮從巴女唱竹以蕪童吟野燒青樵笠江

天白釣針未登仙路穩且即隱居深素業師揚馬  
閑情老尚禽星槎長艤漢節節自捫參壁堵闌弓  
靶杯盤費橐金昔叨分半席今阻盍雙簪牛峽夫  
何險岩嶢安可尋

入溪隱

匝沓轉諸峰芬菲出桂叢天光翠微盡地脉小溪  
通夜谷深藏物春茶稍稅公竹鷄啼暮雨松鼠墮  
秋風久坐疑踈網新來似鑿空不須尋夏里已入  
小空同



嘲宦遊者

持盈聞老氏在得誦宣尼世有栖栖者人皆喑喑  
為去天尺五地來日幾多時悲老頻投鏡扶危數  
問醫署名踈紙尾伴食倦腥脂送日談空劇趨風  
帽屢歌無言溫室樹甘死太祠犧高下從人指東  
西任吏持耳聾東海誚目瞑北山移進缺鹽梅望  
歸餘酒肉資徒令猿鶴侶惡說鳳凰池感歎紛吾  
慮風謠作此時須令吾老日勿使後人悲

項烈女詩

烈女嘉禾人許吳江周氏未嫁而從死

有美閨中秀貞孤特邁倫  
死生一日事綱紀萬年  
身借老言雖謬同歸事已真  
寧知投繯日始是結  
襦晨隻鳳還齊翼鰥魚復比鱗  
鬢榮悲露槿獨勁  
美霜筠蕙郁紛猶在蘭儀  
溘早陳玉因埋覩彩珠  
以碎稱珍杞哭曾崩莒陰尸不葬  
荀鳳笙遙度嶺  
龍劍邈逢津諱日無悲歎  
玄堂有笑頓名同古烈士事異未仁人  
試問泉臺鏡千秋應不塵

蓋余因項女論吳季子如此夫一劍耳徐君目  
欲未成請也季子心予未成許也然而必復之

曰是在我終負徐君懸之快矣項女之心儀為周生婦也久終不能為他家婦有待死耳等死耳百年死與今日死何異何不旦夕引決而久此胡為下宮之事嬰猶下報之古人之不欺其心類如此且古之不死者類有待非踟躕空老也或曰未成夫婦而死過矣余故為之辯又曰古之嫁者未三月而死歸葬於父母之家項女不宜合葬夫彼一時也此一時也今有嫁三月而歸葬者乎為周生也死者則為周生也葬精

爽既往體魄終滯厲矣先王之禮意如是哉情  
携則生婦可棄志合則死婦可嫁禮緣人情豈  
不信哉余友汪君覩項女之事為余言之余悼  
貞人之希有故為論辯

偶然作

治官自有體躡進豈吾任縱有風雲及將無  
羸病侵殷勤形問影辛苦目憐心幸免能鳴  
鴈終慚後集禽澤蘭滋九畹山果樹全林  
盤谷寒暄勝高松日夜陰嶠雲堪拄杖山  
月可絃琴儻遇赤松子清

風飄素衿

自述寄同年友

本乏匡時略，饑寒驅隱淪。偶逢天路濶，遂忝歲星臣。  
方朔談何易，原思道自貧。丘山負恩重，井邑夢游頻。  
劇罪罹天譴，深哀奪母仁。江湖萬頃淚，宇宙一畸身。  
心口讐青坂，身名廢紫宸。蓄畬吾舊業，手足敢辭辛。  
黍稷先輸稅，桑麻舊睦隣。輓轡翻白月，襪屨餉青春。  
霜葉供機女，春茶寄酒人。聊茲安蹇劣，無用養形神。  
一日嘗逢主，中宵亦拱辰。所欣皇

藪大不少是麒麟

少保馬公挽歌

漢傑初開閣商英始濟川白麻四夷誦紫橐九重  
懸帝就桓榮學人推汲孺賢風雲千載上霧露一  
朝先國寶虛前席人倫失大年西嶷寒掩日北斗  
夜辭天祕器東園賜貞砥萬古傳羊曇空有淚不  
及墓門前

恭題

御軸玄兎

有序

玄兎瑞應古無有也我

成祖

宣皇二

朝始見在廷歌焉 皇上發祕緘得遺繪

爰命詞林咸賦此什時九季二月

二后垂鴻構三神錫上禎諸祥窮地紀有兔表陰  
精月桂開金鏡榆光燦玉衡文犀應讓品玄豹欲  
藏名守黑符神理含章契太清驛來是西北占應  
偃戈兵慶叶天謀德心冲聖誠盈遂令圖畫日賸  
有頌歌聲恭紀千年際文思二聖并石渠探寶笈  
崑府發金籙素練浮疑濕馴姿伏不驚丹青動深  
省謨烈即前旌顛攬時乘御咸諧率舞情蒼龍春

闕曉白虎晝門晴蓮葉龜文麗桐花鳳羽輕孫謀  
將祖武億載頌皇明

有兔稟陰精乘時表上禎名因仙籙重來為泰階  
平桂影開金鏡榆花燦玉衡文犀應讓品玄豹欲  
藏名守黑符神理含章混太清栖雲看莫辯就日  
照初明鍊魄雖資藥胎真自吐生虞韶諧率舞周  
瑞應干城異質圖能就馴姿畫豈成更逢仙誕日

萬載祝 皇齡

徐丈人



鳳馭留仙籙龍函疊帝綸如攀洛濱逸似訪合宮  
淳甸草陽暉茂巘松霽雨新東公駮赤鯉西母御  
蒼麟近取餘杭酒遙迴若木輪桂旂青夕渚芝蓋  
絢秋旻百福滋華祚千祥集德身鴻飛冥四皓龍  
躑付諸荀韋相籙因子毛生檄為親錦袍將彩服  
并作萬年春

集屠田叔求古齋

酒德同人會詩壇半席分交情歲暮見人語月明  
聞祕館牙籤字名山玉笈文心冥玄象理迹亂白

鷗群弄軫方中散流霞復右軍江風收水氣池露  
舉冰紋筆海鷺翻雨詞林鬱起雲黃花將素節何  
必問芳芬

午睡

一榻擅秋涼莊園栩栩揚絕勝梅市隱不數竹林  
狂池月閑梧影溪風隱桂香玄雲皆載白丹葉并  
飄蒼漁笛從高下朋簪任短長枕中有竒術堪以  
對羲皇

之子贈奉川張山人恒

之子夫何事素絲飄兩蓬亦無三劔俠獨有一杯  
雄懶去尋唐舉寧來訪宋忠踈絃悲桂月高唱倚  
松風知爾別有尚青雲安可窮

寄贈王忠伯雲中

時值千年半天心願太平三台躡履上一德降階  
迎輪困皆堪匠魚鹽盡可羹代言無輟草拜手率  
先賡羽翼煩公護琅玕剖腹呈衆皆危直道帝獨  
諒忠貞碣石秋風暮陰山晚日晴涉河思禹鑿過  
隴認虞畊自古雲中險常交天下兵諸軍能結束

群醜尚縱橫一以公居要惟聞虜乞盟樵歌移朔  
氣羌笛轉邊聲插柳條風細烹葵凍月明人倫歸  
有道風俗宛無爭屬國徵年狀降夷拜姓名居然  
祠畏壘無亦壯長城是日初筵敞黃鍾淑氣盈烟  
籠梅萼小霧展雪花輕北海樽難竭南山樂可傾  
邦人皆作頌力士共持鐙暫奉三休沐歡從一解  
醒丹心百年在玄髮幾餘莖延想迎周旦長懷御  
晏嬰東山歌袞日萬古執鞭情

寄贈巴縣楊封君

井絡多高士如君亦罕倫長生天際客物外聖時  
臣舉酒臨巴字看山到谷神白鹽明霽日赤甲照  
餘春雛鳳儀阿閣飛鸞下帝綸膝前能報主老去  
得閑身共說顏如玉何妨鬢似銀花源通月下蓬  
島逗天津好寫湖山貌留為懷葛人丹砂有餘粒  
乞以壽吾親

旱甚

普天同一赤四序總歸炎蟻渴難為飲龍癡只有  
潛湖頭収短檝隴底罷長鏡旦旦謀禳畢人人頷

戮廉焚山應鮮芋沸海獨增鹽淺瀨繞蒸竭前峰  
又露尖農家風雨曆海客斗牛占此日渾無驗乾  
坤未解嚴

羽苞十二韻

大道無留迹真宗不繫詮羽苞難蘊火氷柱豈擎  
天頷為龍休觸鬚因虎莫編危栽累碁計老矣逐  
麋年逝水浮江上空花發鏡前如何泣岐路猶自  
滯歸鞭棘矢祈神戶桃弓咒鬼筵既慚齊物論兼  
愧養生篇螿手知無待剗心合自全靈丘邀徃約

天路謝區緣海上騰三羽淮南友八仙百年雙眼  
碧萬里一翩翩

題漢宮傳蠟圖

御柳壓長谿晴烟入望低星娥分帝火天馬送宸  
題燼落蓮花麗光搖蕙草齊暄風雙闕下流水五  
門西蝶夢疑回苑桃言欲滿蹊千年縑素濕猶染  
漢宮泥

觀雲漢

耿彼星河夕長歌雲漢章炎風移小簟白月到空

林鳴鶴慵當垤牽牛恨服箱乘槎應可問折葦定  
堪航山以乾封赤沙因薄伐黃靡牲斯可愛應有  
未烹羊

苦熱

消夏灣何在凌煬臺不存感紗驕起妬炊玉沸能  
溫花怨隆曦早魚悲弱水渾汗交蠅翼重夢轉蟻  
聲喧未及書拋枕誰稱客款門濕仄時見怪腐草  
暮螢繁

喙鳴詩集卷十終